

Trúlegt er að „vantrúarmenn“ fari friðlegar eftir þessa áminningu höf, og láti hann í friði og hans fólk og gjörist ekki af ágjarnir. Það er nokkuð kynleg „missíóns“-aðferð og drýgindi, að telja alla trúarandstæðinga sína til betlara, sem biðja að gefa sér og fljúgist á um að komast inn í kyrkjuna, þegar allir vita að það gagnstæða hefir átt sér stað. Hafi nokkrir Vestur-Íslendingar verið sníkjandi, gengið nurlandi og kríjandi bygð úr bygð, þá hafa það verið kyrkjunnar menn, en ekki hinir.

Það er hæpið að samlíkingin sé heppileg frá lítersku sjónarmiði, að það verði til þess að fjölgu að stórum mun þeim, sem láta sér skipast við þannig lagaðan lestur. Og ótrúlegt er að menn taki öðru eins gorti og þessu með auðmýkt og undirgefni og þakki fyrir nafnbæturnar.

Lítersku gullin Vestur-íslenzku eru hvorki svo mikil eða dýrmæt, að um þau sé vert að togast, og sá sem eignast þau verður að engu ríkari. Meðan það kostar bæði að ganga á bak skynsemi og þekkingar til þess að verða aðnjótandi þessara andlegu gæða, þá virðast fremur litlar gja firnar. Það er fullu og dýru verði keypt.

Þá er fyrirlesturinn „Helgi magri“ eftir séra Jón, er, eins og að framan er sagt, kemur víða við.

Ef fyrirlestur þessi er borinn saman við þá aðra, er út hafa komið eftir sama höfund, og tillit tekið til þeirra sérstöku skoðana, er höfundurinn hefir á ýmsum málum, þá mun það verða flestra álit, að hann sé með þeim síztu bæði að orði og frágangi er eftir hann liggja. Það eru á honum e llimerki. Höfundurinn hefir til þessa haft það að sið, að innleiða málefni þau, er hann ritar um, með gömlum íslenzkum sögnum úr þjóðsögnunum eða Íslendingasögunum fornu, og hefir það oft tekist mæta vel. Aðferð þessi hefir þann stóra kost að gera alla meðhöndlun málsins ljósa og þjóðlega. Öll aðal-dæmin tekin úr sögu og lífsreynslu þjóðarinnar og heimfærð upp á hennar eigið ástand, er ólískt skynsamlegra og smekklegra en löngu tilvitnanirnar, er tíðkast hjá mörgum enn til hebrea og bibliú sagna, sem eiga ekkert sameiginlegt við norraent líf eða hugsunarhátt.